



# IROMAG

*Odlazni studenti*



U OVOM BROJU

## 8. MART - DAN ŽENA

**PREDAVANJE O  
LIDERSTVU I  
VJEŠTINAMA  
POTREBNIM ZA  
USPJEŠNU KARIJERU**

**DAN NULTE  
DISKRIMINACIJE**

**DOKAZNA SREDSTVA U  
PARNIČNOM POSTUPKU**

**POSJETA SREBRENICI**

**POSJETA UNIVERZITETU**

## SVJETSKI DAN DOWNOVOG SINDROMA

by IROUNMO

21.mart obilježava se kao Svjetski dan osoba s Down sindromom (WDS). Datum simbolizira tri reprodukcije 21. hromosoma, što je glavno genetsko označavanje osoba s Down sindromom. Poremećaj predstavlja višak jednog ili dijela jednog hromosoma što uzrokuje različite probleme u psihofizičkom razvoju djeteta.

Djeca s Downovim sindromom su izrazito emotivna i topla, unose vedrinu u sredinu u kojoj se nalaze, vrlo su tolerantna, blage naravi i potiču naklonost onih koji s njima dolaze u kontakt. Zrače ljubavlju i veseljem pa su stoga i dobila naziv "djeca suncokreti".

Simbol Dana sindroma Down su šarene čarape jer ih osobe s Down sindromom ne mogu upariti. Nošenjem šarenih čarapa pokazuje se podrška borbi osoba s Down sindromom kako bi se što bolje integrirali u naše društvo.

# 8. MART - DAN ŽENA

By IROUNMO

Međunarodni dan žena obilježava se 8. marta svake godine. Tog dana se slave ekonomska, politička i društvena dostignuća pripadnica ženskog spola. Ovaj praznik je nastao kao inicijativa socijalističkih organizacija u razdoblju prije Prvog svjetskog rata u borbi za jednakost, pravo glasa kao i emancipaciju žena.

Godine 1910. prva međunarodna ženska konferencija je održana u Kopenhagenu u organizaciji Socijalističke Internacionale te ustanovila "Međunarodni dan žena" na prijedlog njemačke marksističke teoretičarke, novinarkе, političarke, feministkinje, revolucionarke i članice međunarodnoga radničkog pokreta, Clare Zetkin.



Žene zaposlene u industriji odjeće i tekstila su izašle na ulice 8. marta 1857. godine u New Yorku. Razlog su bili loši radni uslovi i niske plate.

Demonstracije je rastjerala policija, a te iste žene su osnovale sindikat dva mjeseca kasnije.

Protesti na dan 8. mart su se održavali i slijedećih godina, od kojih je najpoznatiji bio 1908. godine kada je 15.000 žena marširalo kroz New York tražeći kraće radno vrijeme, bolje plaće i pravo glasa.



Između ostalih važnih historijskih događaja, njime se obilježava i požar u fabrici Triangle Shirtwaist u New Yorku 1911. godine kada su poginule 123 žene i djevojčice. Godine 1975, koja je proglašena Međunarodnom godinom žene, UN su službeno počele obilježavati Međunarodni dan žena. Žene u BiH i drugim republikama bivše SFRJ, dobile su pravo glasa 1945. godine. Švicarska bila posljednja zemlja u Evropi koja je uvela pravo glasa ženama (1972).

# PREDAVANJE O LIDERSTVU I VJEŠTINAMA POTREBNIM ZA USPJEŠNU KARIJERU

By IROUNMO

Studenti Nastavnickog fakulteta su imali priliku da poslušaju predavanje predstavnika "Procter & Gamble", uspješne i priznate kompanije iz Sinsinatija, Ohio, SAD, na temu liderstva i vještina potrebnih za uspješnu karijeru.

Kompanija "Proctor & Gambel" je osnovana 1837. godine kao mala porodična proizvodnja sapuna i svijeća. Danas je to svjetska kompanija koja proizvodi mnoge proizvode koje ljudi svakodnevno koriste u svojim domovima.



Jedan od predavača bio je Todd Geist, osnivač i predsjednik organizacije "Global Leadership Partners". Cijelu svoju karijeru u poslu proveo je radeći za kompaniju "Proctor and Gamble"

Asocijacija Nastavnickog fakulteta zajedno sa organizacijom Svaki Student ugostila je predavače, koji su prikazali ključne dijelove svojih predavanja koje su se mogle u punom formatu saslušati na njihovom dvodnevnom EQ seminaru u hotelu Bristol u periodu od 7.3. do 8.3.2022.


# DAN NULTE DISKRIMINACIJE

By IROUNMO

Dana 15. 3. 2022. godine, Pravni fakultet Univerziteta "Džemal Bijedić" u Mostaru i Pravni fakultet Univerziteta u Zenici uz podršku Misije OSCE-a u Bosni i Hercegovini, su obilježili Dan nulte diskriminacije.

Obilježavanje Dana nulte diskriminacije ima za cilj promovisanje principa nediskriminacije, socijalnog uključivanja i poštovanja različitosti. Ovim Danom skreće se pažnja javnosti na načela Univerzalne deklaracije o ljudskim pravima i podiže svijest o neophodnosti borbe protiv diskriminacije, borbe za ravnopravnije društvo i bolje okruženje za sve građane i građanke.

Ovogodišnji događaj obilježavanja Dana nulte diskriminacije bio je realizovan online, a učesnici i učesnice su mogli poslušati prezentaciju aktivnosti Misije OSCE-a na području borbe protiv diskriminacije, te prezentacije studenata i studentica na teme: Diskriminacija žena na tržištu rada i problem "staklenog stropa", i Diskriminacija i pandemija virusa Covid - 19.



Predstavnice studenata ispred Pravnog fakulteta Univerziteta "Džemal Bijedić" su bile studentice: Vildana Kubat, Amina Sablić, Adelisa Kaplan, Lamija Karadža, Aldijana Zukić i Selma Zulum.

Mentorica našim studenticama prilikom pripremanja njihovih prezentacija i izlaganja bila je doc. dr. Sunčica Hajdarović.

# DOKAZNA SREDSTVA U PARNIČNOM POSTUPKU

By IROUNMO

Dana 9.3.2022.g. održan je seminar na temu "Dokazna sredstva u parničnom postupku", u zajedničkoj organizaciji upravnog odbora ELSA-e Mostar i Vijeća mladih Grada Mostara. Seminar je održan u prisustvu stotinjak studenata prava u dvorani prve godine na Pravnom fakultetu Sveučilišta u Mostaru.

Dekanica Pravnog fakulteta Univerziteta Džemal Bijedića u Mostaru i profesorica Pravnog fakulteta Sveučilišta u Mostaru profesorica Viktorija Haubrich su sudionike seminara upoznale sa dokaznim sredstvima u parničnom postupku te da u Zakonu o parničnom postupku postoje sljedeći dokazi: uviđaj, isprave, svjedoci, vještaci i saslušanje stranaka.



Također, profesorica Viktorija Haubrich se spomenula i elektroničke dokaze i naglasila kako predstavljaju važan izvor informacija s činjenicama koje mogu biti predmet spora među strankama u parničnom postupku Bosne i Hercegovine još uvijek nema. Seminar je bio namijenjen svim studentima prava te je na seminaru sudjelovalo oko stotinjak studenata. Generalni sponzor seminara je Vijeće mladih grada Mostara.

UO ELSA je zahvalio profesoricama na odličnoj suradnji i predavanju, kao i Pravnom fakultetu SUM na ukazanom povjerenju.

# POSJETA SREBRENICI

By IROUNMO

Dana 7. 3. 2022. godine, u saradnji sa Međunarodnim forumom solidarnosti – EMMAUS i Info-servisom za mlade upriličena posjeta Memorijalnom centru Potočari, Internatskom smještaju za djecu i Majkama Srebrenice. Delegaciju Unije studenata predvodili su predsjednik, Mehmed Proho i Kenan Begović generalni sekretar Unije studenata.



U narednom periodu, Unija studenata će pokrenuti humanitarnu akciju prikupljanja novčanih sredstava za izgradnju staračkog doma za majke Srebrenice, koji je još uvijek u fazi izgradnje.

Posjetioci su se zahvalili Međunarodnom fondu solidarnosti EMMAUS na srdačnom dočeku i majkama Srebrenice koje su izdvojile svoje vrijeme kako bi podijelili svoje priče.

Zadaća je da pamtimo i posjećujemo, kako se isto nikada i nikome ne bi ponovilo

# ŠAMPIONSKA REPREZENTACIJA BOSNE I HERCEGOVINE U ROBOTICI U POSJETI FIT-U

Reprezentacija Bosne i Hercegovine u robotici, koji su našu državu predstavljali na „Međunarodnoj robotičkoj olimpijadi FGC2021 Discover & Recover“, zaslužni su što se zastava Bosne i Hercegovine zavijorila na pobjedničkom postolju na ovom prestižnom takmičenju.



Mladi tim u sastavu: Lejla Nuhić, Anis Kazazić i Merjema Pajić iz Druge gimnazije Mostar, Luka Jurković, Marko Masnić i Luka Džalto iz Srednje škole Čapljina, te Fatima Sidran iz Srednje škole Stolac posjetili su Fakultet informacijskih tehnologija Univerziteta „Džemal Bijedić“ u Mostaru.

Tokom posjete domaćini su šampionskom timu prezentirali Univerzitet i Fakultet. Poseban interes, kako je i očekivano, gosti su pokazali za laboratorij robotike na Fakultetu informacijskih tehnologije, gdje su im prezentirani završeni i aktuelni projekti, te se razgovaralo o mogućnostima saradnje iz oblasti robotike u narednom periodu.



# IROMAG



/iro.unmo



@iro.unmo



/iro.unmo

**IROMAG TEAM**  
MIRSADA BEHRAM  
LEJLA ŠKALJIĆ  
LEJLA REPEŠA  
HUSEIN MARIĆ

